

皇明經世文編

皇明經世文編卷之三十一

華亭

宋徵璧尚木

陳子龍卧子

編輯

徐孚遠闇公

徐鳳彩聖期

鄭重光古愚叅閱

劉忠愍公奏疏

疏

劉球

修省十事疏

修省

臣謹按春秋而知君心之所感天心之所應有如響之答聲影之隨形而國家之成敗興亡莫不繫之董



子所謂國家失道天乃先出災害以遣告之不知自  
省又出怪異以警懼之此天心仁愛人君也人君遇  
天戒豈得不嚴於修省哉昔者桑穀生朝太戊修政  
而殷道興雉雛于鼎武丁正德而殷邦靖旱魃爲虐  
宣王修行而王化行皆能修省以奉天故災之降不  
爲其國害反爲其國福也昨者雷震 奉天殿鴟鳴  
皇上素服輟朝下罪已之詔出省躬之言令群臣各  
省厥職修省之意至矣固足以答天心而弭災異矣  
臣竊以爲今日修省之所當先者其事有十其一勤

聖學以正心，自古聖哲之君，動與天合，而雨暘寒暑，無不以時。若能專志問學於一切無益之事，悉屏不御，所以私欲盡去，天理昭著，心得其正，而天不違之。中庸所謂致中和，天地位，萬物育者，在是。臣願皇上以古聖哲之心爲心，視政之暇，御經筵之日多，居宮苑之時少，所謂無益之事，悉置意外。惟數進儒臣講求至理，篤盡精一之功，惟極修齊治平之道，使學問功至，理欲判然，則聖心正而天心無不順矣。其二親政務以攬權綱，夫政自己出，則權不下移。故

太祖 太宗每早朝罷。及晚午二朝。必進大臣於順門。或便殿。與裁決庶政。或事有疑。則召機務之臣。商確之。而自折其衷。所以權歸于上。 皇上臨御九年。事體日熟。願守 二聖之成規。復親決之。故事。庶幾權綱有歸。而政惟一。其三別賢否。以親正士。諸葛孔明曰。親賢臣。遠小人。此先漢所以興隆也。故願治之。君無不樂。有正大君子爲之親。信以贊其治。而益其明。惟分別之不可不精。今內外之臣。不能無賢不肖之分。惟 皇上察之於已。詢之於人。果賢而可親也。

則親之。果不肖而當遠也。卽遠之。則君子日進。小人日退矣。其四選禮臣以隆祀典。今之太常。卽古之秩宗。必得寅清端重。明習禮典。儒臣爲之。然後可交於神明。故堯命伯夷。猶讓于夔。龍誠以是職不易稱也。今太常卿與少卿久缺。未選無乃享祀之禮有乖。宜選儒臣爲之。庶祀典克修。其五嚴考覈以督吏治。自三代以下。省方之禮不廢。而郡縣之吏不敢肆。田野之民得其安者。以數遣綉衣採訪等使。巡行郡縣。以不宜例差或地方有大災大獄及不時差出始足以察吏得失。問民疾苦也。洪武永樂間亦嘗行之。近年

鄙意巡按御史

震動一方。若令之每轍一差。則與地方官何異。徒爲多付此任於布按二司。及巡按御史。其所考察。徒文郡縣之累耳。

具爾以故吏無善政。民多失業。至於軍衛之臣。爲害尤酷。誠宜選擇公明廉幹廷臣。分行天下。自三司郡守而下。無分文武官吏。俱得考察。其果姦墨無狀。其實黜退。若有廉能仁恕。治行過人。亦具奏乞旌異。庶人有勸懲。而吏治修舉。其六慎刑罰。以彰憲典。古者人君不親刑獄。而悉付之理官。書所謂予曰辟爾。惟勿辟。予曰宥爾。惟勿宥。惟厥中。蓋恐徇喜怒。有所輕重於其間。以致刑失其中也。近者法司所上獄狀。有

奉 敕旨減重爲輕。加輕爲重者。法司旣不敢執奏。至於訊囚之際。又多有所觀望。以求希合。聖意是以不能無枉。臣竊以爲一切刑獄。宜從法司所擬。設有不當。調問得情。則罪其原問之官。其運磚納米贖罪等項。例亦非古法。且使貪者得以幸免。而廉者蒙辜。宜令法司今後文武之臣。除犯公罪許贖外。其餘俱依律問擬。則刑罰中而憲典彰矣。其七罷營作以蘇人勞。夫土木之工不息。則天地之和有乖。故春秋於勞築之事。悉書之以示戒者。爲此也。今京師營作



之興已五六年。雖不煩民而皆役軍。然軍亦國家赤子。須之禦暴而赴闕。豈宜獨役而不加恤。况各衙門皆已更新。宜罷其工。庶人力得蘇。其入寬逋賦以憫民窮。周禮荒政十二。薄征其一也。近者各處水旱荒災。乞減租稅。而有司多不准減。或准亦徒事虛文。使民不得受其實惠。以致窮困流徙者日益多。宜令戶部遇有報荒。卽與勘實。量減其租。仍思所以安養流民。使不失業。庶民窮有濟。其九息兵威以重民命。夫兵凶器。動必傷人。不可輕動。漢高帝以武定天下。

非不善兵，然被匈奴白登之挫，終不報怨，以兵興必傷人也。如麓川連歲用兵，死者十七八，軍皆爵賞，不可勝紀。今瘡痍未瘳，又遣定西侯蔣貴總之，以從緬甸，受其所拘首寇，思任發，借彼言果信，得寇以歸，不過宣諸廷，磔諸市，梟諸達道而已。然彼挾以爲功，必求與彼邦分有麓川地，不與則致怨，與之則兩夷土地人民各增其半，其勢坐大，將不可制。是滅一麓川，增二麓川，設有蹉跌，則兵爭無已，死者必多。臣見皇上每錄死囚，多憫之，而免令充軍，仁心若此，真是

此法亦不可行

與天地之心合矣。今欲生得一失地之竄寇。而驅十餘萬無罪之人。以就死地。豈不有乖於好生之仁哉。况群寇思幾發在麓川。已嘗遣人來貢。無悔過祈免之意。若 敕靖遠伯王驥遣人往諭緬甸。不煩動衆。生致只斬寇首來獻。卽與厚賞。仍令思幾發盡削四面之地。分與各寨新附之夷掌之。許以小職。使仍居麓川。則兵不用。而此方可自寧息。臣以爲宜還蔣貴。并止四川湖廣貴州之兵。用全十餘萬生靈之命。其十修武備以防外患。大易有曰。思患而預防之。蓋能

防患於前斯可無患於後今北虜比年入貢然遣來  
之人歲增無減其包藏禍心誠所難察一旦率彼烏  
合之衆長驅入寇爲患也深不可不預防之莫若於  
今閒暇之時數遣給事中御史於在京及沿邊閱督  
操備預使借工各廠及服役私家軍士悉就訓練仍  
公武舉之人以求良將定召募之法以求武勇廣屯  
田之規收中鹽之利以厚儲蓄庶武備不缺而外患  
有防凡此十者皆今日之急務所以感上天之昭格  
致太平之福慶者意誠在此

諫伐麓川疏

麓川

劉球

公上此疏王振不從其後北邊空虛釀土木之

天子之馭夷狄必寬宥于其小而謹防于其大所以

變者亦半歸於此

適緩急之宜為天下久安計也故周伐崇不克即退

修德教以待其降至于獫狁則命南仲城朔方以備

之漢征南粵不利即為罷兵賜書以通好至于匈奴

雖已和親猶募民徙居塞下入粟入邊復命魏尚守

雲中以拒之以成周西漢之力破滅崇越易如振槁

皆釋不誅惟汲汲獫狁匈奴之備何也蓋不窮兵于

小敵以傷生靈惟防患于大寇以安中國也今麓川

殘寇思任發本依山負谷。羈縻納貢之夷。邊將失馭。致勤大兵。雖未殲厥渠魁。亦多殺其群醜。皇上念此小夷。僻居南徼。滅之不爲武。釋之不爲怯。特降璽書。原其罪惡。使得自新。是卽周漢修教賜書之意也。柰何邊將不能宣達。聖意欲屯十二萬兵于雲南。以急其降。不降則攻之。而不慮王師不可輕出。夷性不可驟馴。地儉不可用衆。容兵不可久淹。是皆兵法所忌也。况江南近年水旱相仍。軍民俱困。若復動衆。恐至紛擾。臣竊以爲終宜緩誅。如周漢之于崇越也。

至如北虜猶古獫狁匈奴世爲邊患。今雖少抑然部曲尚疆。戎馬尚衆。未可保其終不寇邊。居安思危。此維其時。廼欲移甘肅守將以事南征。恐沿邊將士意謂朝廷必以此虜爲不足慮。遂生怠心。弛其邊防。卒然有警。恐致失措。竊以爲宜防其患。如周漢之于獫狁匈奴也。伏望皇上罷大舉之議。惟令大臣推選謀將輔以才識大臣。仍舉内外文武之臣。無分見任。謫降。但有才幹者。十數人。隨往雲南。量調見操官軍分屯于金齒等處要害之地。如趙克國屯川湟中。以

降叛羗故事且耕且練。廣其儲蓄。習其水土。固結木  
邦諸夷以爲我援。一則乘閒覘寇。虛實不特進攻。一  
則因便諭以禍福。撫其向化。明加賞罰。責以成功。如  
此將不煩大兵而寇自可服。至于西北邊境。及今無  
事。宜敕諸將及叅贊文臣。巡視塞垣。當築者築之。溝  
澗當濬者濬之。城堡烽燧。當增修者。皆修之。仍勤訓  
練。廣儲蓄。利器械。嚴守望。凡備邊之事。悉令修舉。以  
防不虞。是誠國家萬萬年太平之計也。

皇明經世文編卷之一

終



皇明經世文編卷之三十二

華亭

陳子龍卧子 徐孚遠闇公

宋徵璧尚木 顧開雍偉南

編輯

吳嘉胤繩如叅閱

薛文清公集

序

薛瑄

送趙都指揮協贊序

京營協贊

聖天子中興景運文德誕敷之餘卽大誥兵戎分京師操守之士爲十營營各有督將總其綱協贊貳其



事皆特進之選。景泰五年春，果敢營協贊員缺，詔於諸將中選有才畧者以克之。夏，官以山東都指揮僉事趙弼良佐者累世將家，以名上。詔允所請。良佐卽奉命往贊其營。之營之日，督將安其賢，士卒服其畧，營中之事大和。其姻友王昌問來求文以序其事。余亦識良佐之父於十餘年前，且知良佐舊矣。良佐之伯祖德勝公佐。太祖高皇帝芟除群雄，混一四海，以功封梁國公，享祀功臣廟。其祖亦以功任都指揮。父任邳州衛指揮。陞山東都指揮。卒。良佐襲授濟

寧衛指揮使，後爲知者薦陞前職，遂領士卒分番操守京師。良佐雖四世將門，生長驕富，獨能折節讀書，廉靜少欲，自奉如寒士，視膏粱子田園之利便，財產之豐殖，是務第宅之崇廣，衣馬之鮮好，是尚。洎夫迷心於珍竒難得之貨，溺意於妖翫妨行之物，良佐皆能脫去其好，而輕之如鴻毛，故才畧雖良佐所素習，而立行超卓，尤爲士大夫所稱重，是以連被薦擢。有今茲協贊之榮，駸駸乎重用，其可量哉！夫今茲之協贊，他日之重用，皆將業也。世之擇將者，類皆以韜畧

才勇爲先。余獨以仁義爲將之本。夫能使士卒親之如父母，投之所往不避水火，而無堅不摧者，仁義結其心也。不然，韜畧雖長，其如士卒不同心何？才勇雖長，其如士卒不同力何？其欲成將業也難矣。良佐能折節讀書，儉於私養，而脫去膏粱利欲之習，庶幾乎知仁義之道矣。能由是深求力行，以推之於師律，必思東征之若何，而恤其勞苦；古人之若何，而受命不問家事；若何，而庫廩不有餘積；若何，而分賜不入私家；若何，而志滅強寇，何以家爲；若何，與下人同其甘

苦若此之類。悉以江義之心。推行之不怠。卽自今茲之協贊。他時之重用。無往而不得。士卒之親愛。如是而輔之以韜畧才勇。于以行師也。其重如岳峯。其整如列星。其疾如颶風。之不可遏。浩乎如江河之流行。雖甚勅者。亦將仆滅之不暇。折衝禦侮。殄寇安民。隱然爲時望。將業由是而可成哉。受封當時。垂聲竹帛。不惟有以仰答 聖朝選將錫命之榮。抑且有光於前烈多矣。良佐其尚知所本。勉於今而需其後。是爲序。

上講學章

勸講學

薛瑄

大理寺右寺丞臣薛瑄謹題為緝熙聖學事切見近

日有臣下進言欲開經筵以緝熙聖學者雖蒙 聖

德允納未見施行益欲俟軍旅事平之日以開講也

臣愚以為當聖主中興之時天步維艱之日正講論

為學為治之道不可一日而緩焉者也昔漢光武躬

擐甲胄討除群兇猶且投戈講藝息馬論道軍旅之

閒未嘗一日廢學故能舉群盜如鴻毛復大業猶反

掌此講學所以有資於成大功也唐太宗興義兵掃

謂法後王也

賢君亦得講學之力文清公訪進人主言不迂濶所

世祖唐宗二

除寇亂。一時潛邸從龍之臣，皆文學智謀之士。日久相與論爲學致治之道。乙夜之覽，身忘其倦。故能剗刮僭僞，拯濟生民。此講學所以有資於戡大難也。近者漠北醜虜，雖陸梁爲寇，而內外禦侮，各有其人。堂堂天下，號令一施，風行草偃，非至如漢唐草昧之狄也。願可以斯時而少緩講學之事乎。伏望 皇上命廷臣集議經筵儀式，務從簡約，不尚奢華，仍博選公卿侍從文學之臣，有學術純正，持已端方，謀慮深遠，才識超卓，通達古今，明練治體者，一二十人，使之更

代入直。恭遇 皇上視朝之暇。日御便殿。卽召各臣進講。其所講之書。先大學論語孟子中庸。兼講尚書春秋諸史。則資治通鑑綱目。務要詳細陳說聖賢修己治人之要。懇切開告。帝王端心出治之方。以至唐虞三代漢唐宋以來人君行何道而天下治安。爲何事而天下乖亂。與夫賞善罰惡之典。任賢去邪之道。莫不畢陳於前。如此則勸講之臣。庶可日脩其職。講讀官之職。旣脩。雖 皇上聰明上智之資。實由於天錫。而朝夕緝熙啓沃之力。亦有益於聖心。聖學日新。



聖德日明。于以脩治道。則正心以正朝廷。正朝廷以正百官。正百官以正萬民。治道有脩明之效。于以攘夷虜。則脩軍政。以簡將帥。簡將帥以練士卒。練士卒以討夷虜。而夷虜有殄滅之期。此講學有資於成大功。戡大難。宜急行之。而不宜緩焉者也。且漢光武唐太宗一時英主耳。猶能勤講學於搶攘之時。以收戡靖之績。伏惟皇上有唐堯虞舜之聖德。將以立殷周中興之大功。誠於此時舉行開講之事。以緝熙聖學。則神功聖德。高出千古矣。又豈漢唐二主之可

比哉。臣猥以衰邁懦柔之資，章句迂僻之學，自忝科第，屢叨法從，昔嘗獲罪，先朝放歸田里，分將終老丘園，瞑目溝壑，幸沐皇上龍飛九五，運啟昌期，將以立莫大之治功，故不遺草茅之賤士，拔臣布衣之中，授以清要之職，日夜思慮，愧無補報，故敢昧死，妄陳前言，伏望皇上開天日之光，采而行之，不勝懇悃之至。

岳文毅公集

議

岳正

正統己巳曆議

正及第之明年頒己巳之朔禮成而觀其書書二至之畧有晝夜六十一刻之文卽怪其故退而求古諸家曆法無有也時有五官司曆雅相知者因以所私問之曰天行最健日次之月又次之以月會日以日會天天運常舒日月常縮曆家以其舒者縮者之中氣置閏以定分然後以三百六十五日四分日之一之日乘除之積三歲而得三十二日五十九刻者其法常活以三百六十五度四分度之一天分南北二

極日行中道。冬至行極南。至牽牛。得四十刻。爲日短。夏至行極北。至東井。爲日長。春秋分。則行南北中。東至角。西至婁。爲晝夜均。古者以曆名家者。必以其變者。立差法。以權衡之。則變者常通。而差者得其所矣。有如今曆也者。夫乃不揣其本。而齊其末歟。司曆曰。如子言誠然。正曰。若然者。子將居其職。而不與其事耶。司曆掀髯笑曰。能者必不用。用者必不能。又何今日咎也。又曰。曆者聖政之所先本也。苟以私智揆之。能無搯其本乎。予始悟當時用事者。方赫赫。必以司

曆爲忌也後果有土木之變

序

岳正

送張鳴玉詩序

諸生脫戎籍

祖制軍籍不得擅脫其以諸生應補者上其名試之  
軍法必世繼繼絕以嫡嫡絕以支支絕以同姓不奉  
學可執成則免蓋自區何以來至今其以諸生免者  
上詔旨不得遽自免免者非國戚黨必左右大臣不  
不數人也

爾亦親幸眷愛最貴重者不戚黨不左右大臣不親  
幸眷愛最貴重者冠方冠被褐布衣徒馮其所脩掉  
三寸之舌談笑而免焉此其人也顧不可常乎哉張  
生名珩字鳴玉世居錢塘錢塘人有居於黔者絕世

皇明經世編



岳文毅公序

諸生脫戎籍

七

平露堂

無繼有司以鳴玉父爲同姓當往鳴玉曰柰何有親  
不得朝夕繼養乃令坐苦萬里戍邪請代以行主者  
以故事育德郡膠者不必遽遣貢于大司馬大司馬  
上于天子天子若曰昔者明王立賢無方尚旁求  
俊彥於污賤而致拔擢焉顧可重辱吾士而內之尺  
藉哉詔近臣試其藝詔大司馬去其籍詔黔守臣罷  
其役生乃得復故膠卒業待用嘗與游者樂生茲舉  
之盛相與送之作爲歌詩圖其大意彙次爲書謂正  
宜序所以作之者之故正不佞竊頌天子之德喜

儒者之足貴，而著士之所脩，果不相負如是也。於是乎書。

### 潘尊用拜吏科都給事中序

正以罪去國，比入朝，七八年，向之所與共事者，十得五六，而所謂同年進士者，僅十數人而已。此十數人者，多在郎署，不聞有所振拔，又間有引而去者，其在給舍，纔二人，而閩產潘尊用其一也。尊用以天順八年之秋，始用資序拜都給事中，於吏科。夫六科之任，古納言之官也，讒說殄行，無世無之，而後世風

移俗薄較古尤甚。如巷伯青蠅諸詩所言者。當堯舜在上。禹稷契益皋陶伯夷相師讓於下。不能不資龍以保極盛之治。後世願治之主。欲比隆前古。而不求賢給舍以任之。不尤難乎哉。先帝在御。軋綱獨運。羣臣將順之不暇。若吏部者。又得老成心繫主之。爲吏科者。固無事可駁也。然容生寬寬生縱。縱生姦。亦其勢之所不能無者。專用受命。適承其弊。初不以聲色動之。而彼各自儉黜。以或有過之。是懼者。亦有矣。夫湯縮之賢。未足以格天動物。而白麻一下。雖以



郭汾陽之元勳名德亦爲之遜黎幹而下不足道也

季方先

賢者之有益於人國家者如此然所謂賢者於世多

生此言亦自寄寓

不見用用亦不能大大亦未必能久何邪蓋賢者自

處淡然與物無競其功名事業必因事會而見未嘗  
汲汲以求之不我用焉雖終老於耕釣不悔也若尊  
用者一官二十年循資緣例始得一調此巧宦者之  
所訛笑而正所據以知其爲賢者也雖然一給舍尚  
能如此使舉而措之百僚之上則其事業炳耀上躋  
唐虞九官之盛其孰能禦之哉

皇明經世文編卷之三十三

華亭

徐孚遠閣公 陳子龍臥子

編輯

宋徵璧上木

何剛愨人

宋存標子建參閱

于忠肅公文集

疏

于謙

議和虜不便疏

禦虜

據鎮守大同參將許貴奏要與賊講和暫示休兵俟人馬強壯密定討伐之計臣以賊首也先自逞梟獍

之雄、烏合犬羊之衆、旣侵犯邊境、而拘留。上皇復入寇京畿、而震驚。陵廟、其爲讐恨、庸可勝言、且以和議一事論之、當去年秋冬之間、正虜勢方張之際、朝廷亦嘗遣賫金繒、往使虜庭、賄賂纔入於穹廬、虜騎已至關口。朝廷灼見虜情、譎詐和不足恃、以故絕使不通、還惟勅邊將大修武備、以勵人心。固守城池、相機戰守。今許貴又奏講和之說、臣等切惟今日之事理、與勢皆不可和。何者、中國與寇、有不共戴天之仇、和則背君父而忘大義、此理有所不可。

和也。又醜虜貪而多詐。萬一和議既行。而彼有無厭  
之求。非分之望。從之則不可。違之則速變。此勢有所  
不可和也。苟以爲虜強難制。姑從和以緩其兵。臣等

引事詳常

請質之前代。宋真宗澶淵之役。契丹之衆累被我兵  
摧阻。既盟之後。朝廷尚歲輸銀絹。及季世徽欽北狩。  
中國名將如張韓劉岳之徒。屢敗金師。及奸臣秦檜  
一主和議。朝廷既割境土以與之。又輸歲幣以賄之。  
甚至降黜尊號。含垢忍耻。屈已從和。卒至人心解體。  
國勢陵夷。無救成敗而後已。援古證今。和議之不足

恃也明矣。為今之計。莫若選將練兵。養威蓄銳。賊若

如此處置。進退皆有地。

來侵。則相機而勦殺。賊若遠遁。不貪利以窮追。萬一

虜寇復有大舉入寇之謀。則我兵操守有素。加以將

帥思奮。臣等當盡效効力。以圖勦滅。以雪國耻。必不

出犬羊之下。其或皇天厭亂。黜虜。自知數寇不利。遣

虜使自來。則其驕志亦折。

使人貢。則量與賞賜。遣回亦不拒絕而已。若欲朝

廷先遣使臣。往彼通好。則示彼以弱。而啓其輕侮之

心。萬萬不可。此則方今之要務。而臣等之愚見。止于

如此也。及照許貴叨居重任。保障邊方。不能銳意滅

賊却乃倡爲和議。畏縮之跡旣明。忠義之心何在。合將本官明正典刑。以謝天下。以戒將來。緣係陳言事理。又係備邊將官。合無姑記其罪。差人馳驛賫文切責許貴。令其整飭邊務。操練軍馬。作興士氣。固守地方。必期滅賊。以贖前罪。如仍遲縮誤事。治以重罪。仍通差人賫文前去遼西宣府大同陝西等邊。及永平山海居庸白羊紫荆倒馬等關口。總兵鎮守等項內。外官員。令其整搦人馬。固守地方。如遇賊寇來攻。務要相機行事。毋得聽信哄誘。因而失誤機務。仍通行

在京五軍三千神機等營總督總兵等官嚴加訓練  
官軍論以忠義大節使之感激思奮以圖成功不許  
苟且因循致誤大計

兵部爲邊務疏

邊務

各官奏稱比先下番使臣馬清馬雲曾許賊首也先  
討笙簫細樂會唱婦女及以後使臣到彼和番又許  
也先與中國和親一節臣等切見比年以來因脫脫  
不花王并太史也先等年例遣人朝貢朝廷厚加  
禮遇遣使報聘以示恩信篤和好也豈期差去使臣

此論上大以前事

止知貪利以肥家。不思屈節而辱國。於虜情之虛

實略不以聞。禮義之大節。全不暇顧。及回還復

命。又復架捏虛詞。誇大張皇。肆為欺罔。甚至透漏消

息而陰結虜人。妄報根脚。而希求陞賞。以致賊虜放

肆。有輕中國之心。邊境不寧。釀成今日之禍。今照

馬清馬雲前項辱命緣繇。雖係擒獲達賊。把速台

所說。未可憑信。然此事中外臣民。知之已久。事不妄

傳。必有所自。若不明白處治。無以痛快人心。合將馬

清馬雲拿送法司。嚴加勘問。明白奏請。定奪處治。

皇明經世編

于忠肅集 卷之一 遼務 四 平露堂



庶使典法昭明。臣民稱快。其言賊首也。先說稱若中

國差人講和送。太上皇回來等因。顯是逆賊益逞

奸詐之謀。故爲誕妄之說。誘我邊將。弛我邊備。假以

此處漸爲激直。全不爲身謀矣。

講和爲名。意在乘虛深入。合無差人馳驛賫文與大

同總兵官定襄伯郭登等。同守備雁門偏頭等關都

督同知等官杜忠等。嚴加訓練官軍。用心守禦城池。

倘遇賊寇侵犯。務要効死盡力。隨空守戰。不許聽信

哄誘。失誤事機。仍令郭登等差人密切跟尋。原差奏

事人王鎖兒。得見下落。通行具奏。及照差來夜不收

齊二敢勇餘丁邵斌不避艱險奏報聲息勞苦可憐  
合無俱量陞一級以勵將來

令諸將預定安邊策疏

預陳邊事

照得宣府大同地方卽目達賊侵擾去來不常或攻  
圍城池或剽剽人畜或以輕騎襲我輜重或以人少  
誘我官軍聲東擊西出此入彼邊民不得耕種士馬  
不得休息臣切料此賊必欲騷擾大同宣府使之公  
私匱乏不能固守此其奸計不淺有必來侵犯京師  
之意今朝廷所倚任者石亨楊洪柳溥孫鏜衛穎



范廣張軌數臣其次則署都督僉事張義雷通諸人  
 今虜勢猖獗邊務方殷京師軍馬雖操練頗有次第  
 然萬人之命懸于一將將有必戰之心則士有効死  
 之力苟計不先定心不齊一彼此異見而將無必戰  
 之心上下隔絕而士無効死之力緩急之間恐誤大  
 計伏望 皇上聖明乞 勅石亨楊洪柳溥孫鏗衛  
 穎范廣張軌張義雷通等各陳已見則請將志氣各陳已見  
 如此之猖獗邊務如此之弗寧當何處置可得寧妥  
 萬一虜寇侵犯京師或近畿甸州縣及山西等處地

才畧具計之在便可因才 勅遣此州 檄部要策

方當何設法禦敵戰守。或除戰守之外。別有何策。可  
以安邊保民。不須會同計議。文飾虛詞。務在各出已  
○同○更○可○法○去 風 刊

長直言無隱。令石亨等各另具題封進。皇上聖斷

采擇其可行者。請 勅各官遵守施行。若是果有窒

礙。亦聽各官陳奏。必期上為 朝廷分憂。下為邊境

除患。不許面為承順。還有後言。敵至互為異同。以悞

國家大計。况耕當問農。織當問婢。今日之事。若不責

成於石亨楊洪諸人。而欲以臣等書生之淺見。以為

議論。則是徒為紛紛。而未能濟事也。臣材本庸劣。叨

忠○肅○公○虛○心○知○此○

掌兵機切見方今邊務誠爲危急計慮預防間不容  
髮謹陳愚見伏候 聖裁具題 旨令各官開寫來  
看欽此欽遵抄出到部參照武清侯石亨奏稱彼處  
糧草不敷已將原領馬步官軍挑選一萬五千餘員  
名令都指揮田貴等率領回還保定易州有糧草去  
處操守牧放遇有賊寇侵犯會合夾攻一節切詳足  
食者足兵之道治內者攘外之本今旣本處糧草供  
給不前而京師亦當增兵操守合無將前項退回官  
軍不必在於保定等處屯駐令該府差人沿途催趕

田貴等就令率領赴京操練。隄備不許在途延緩。及照大同地方係西北重地。合當嚴謹守備。今本處所積糧儲有限。日逐支用無窮。又兼馬草全無措辦。而虜情譎詐。倘聞知石亨等率領大軍。在於大同城內住劄。分遣虜衆剽掠。牽制我軍。使其內外隔絕。應援不繼。意在乘虛寇襲。趁此青草未發之時。賊人馬匹瘦弱之際。若不設法處置。非惟師行日久。而財用匱乏。抑且京師有警。而缺人調用。合無請 勅石亨令會同彼處總兵鎮守等官。從長計議。如果彼處邊備。

整理已有次第。見在糧草委實不敷。其石亨所帶官軍應合回京。就便會本差人馳奏。將石亨取回。其所帶官軍內。挑選精壯者一二千。或三五千。俱與遊擊將軍石彪兼同原帶官軍五千。仍在大同協同郭登等巡哨。相機行事。候邊境寧謐。另行具奏。取回其餘官軍。一同石亨回還。不許猶豫不決。致貽方來之患。其言要將山西民壯暫留代州操練一節。委的內外兩得其便。亦合准擬。將山西府縣所選大同民壯。合發代州聽守把鴈門關。都御史朱鑑等調度操

練遇警調用，仍加意撫恤，不許親管官自人等生事  
虐害，因而逃竄。

題覆備邊保民疏

備邊保民

參看得陳典庸奏稱，要令摠兵官各率大軍於極邊  
去處屯駐，邏勦一節，臣等切詳防邊禦寇之策，固在  
於增兵，然必食足而後可以戰守也。今照宣府大同  
係西北重鎮，合當遣將增兵，協濟守備，但彼處各城  
所積糧儲不繼，聲息警急，欽命總兵官石亨等，往  
大同整飭邊備，命遊擊將軍楊能、總兵官范廣等，




往宣府巡視懷來一帶爲因糧草不足以給軍馬難於駐劄以此將范廣石亨等取回存留楊能在彼巡哨及遊擊將軍石彪又將所帶官軍內威遠衛留一千馬邑所留六百山陰所留五百負名今盛暑方隆之際石亨等初回之時軍馬之勞困未甦道路之供餉未備若再選將調軍前去宣府大同屯駐非惟二處糧儲愈爲耗蠹抑且虛勞士馬迄無成功及查宣府大同在城官軍亦勾守備而京城守禦爲重軍馬未可輕動合無行移朱謙郭登等令其整飭人馬固

守禦固不在兵之衆寡多寡有費無益

守地方。遇有賊寇來攻。務要相機守戰。若是賊人深入。亦要計度邀截。設謀襲取。以成夾攻之勢。而圖勦滅之功。既不許畏縮而拘於守備。亦不許輕易而果於追逐。務在計出萬全。事無一失。仍行紫荆倒馬白羊偏頭鴈門等關口守備官員。及鎮守易州等處總兵等官。一體提督官軍。晝夜用心巡守。外爲邊境之應援。內爲京師之屏蔽。并今京營總兵等官。石亨楊能柳溥等。嚴謹操練官軍。時常點看器械馬匹。候今秋若有邊報緊急。另行陳設方略。奏請調兵殺賊。若

皇明經世編

 于忠肅集  
卷之一

遼備  
保民

九

平露堂  
卷之三十五

武藝未精。士氣未振。必須以身先率。教閱振作。諭之。以大義。申之以軍令。使下有所感發。自然所向成功。不許姑息苟且。自沮軍法。及推稱軍弱。自餒其志。以致上下成風。怠慢。臨期舉手無措。因而失誤大事。具題

軍務疏

軍務

照得近該宣府等處并紫荆關總兵守備官負節奏。達賊糾集人衆。意圖深入。爲寇等因。言雖未可憑信。事亦不可不備。及照京師官軍。已經議奏。分定京城

九門列營操練。設若虜寇來京侵擾。臣等仰遵 聖

算。罄竭愚衷。當鼓舞大衆。相機戰守。必不出犬羊之

下。京師可保無虞。但以涿鹿保定真定易州一帶城

池。外則接連關口。內則切近都城。恐虜寇深入。覘知

京城有備。不敢侵犯。即時分投剽剝。各處城池不無

腹裏人民。被其驚擾。縱使京師調軍前去截殺。又恐

道途窳遠。士馬疲勞。一時追逐不及。緩急難於濟事。

查得涿州除原有涿鹿等三衛官軍舍餘外。又差都

指揮陳旺沈奘。率領在京官軍共七千五百員名。保

此時軍衛尚有可用。故條議及之。今則徒爲具文矣。

定除原有大寧都司保定左右中前後五衛官軍舍  
餘外又差都指揮石端等率領在京官軍共七千員  
名真定除真定神武右二衛原有官軍舍餘外又差  
都指揮王信張智率領在京官軍三千七百員名易  
州除調茂山衛全伍官軍舍餘外又差都指揮王虹  
率領在京官軍六千五百員名俱各前去修守城池  
應援內外又有總兵官劉安石與都御史曹泰統領  
在京各營精銳馬隊官軍五千員名往來巡守各城  
各關今議得雖有前項官軍在於各營操守然恐各

官因見分定地方遇警不能相機策應雖有總兵官  
劉安等巡守官軍又恐地方廣濶倉卒不能周遍臨  
期因而誤事未便合無再於在京撥精銳馬隊官軍  
五千員名請

此特都督充遊擊與今時資格不同

勅右都督楊俊充遊擊將軍率領前

項官軍并口外原跟隨本營慣熟頭目人等前去涿  
州保定真定滄州河間等府州地方往來巡哨遇有  
達賊去處聽楊俊節制出軍截殺不許退避輕易縱  
賊剽掠其總兵官劉安等今策應易州并白洋紫荊  
倒馬等一帶關口守備官軍相機殺賊若有機會可

與楊俊會合亦要同心協力以圖成功不許自相矛盾

○有○守○禦○一○軍○有○策○應○之○軍○便○成○奇○正○之○勢○可○以○交○

盾因而債事其合用行糧草料行移戶部差官預先

整理如此庶內外得以應援而虜賊不敢深入緩急

得以相濟而人民有所倚仗。

議處兀良哈達子疏

議處夷情

照得近該鎮守山西內官懷忠都御史羅通并守備

偏頭關都督同知杜忠鎮守鴈門關都御史朱鑑等

節奏有達賊或百十餘人或千餘人到於山西腹裏

保德等州河曲等縣殺剝人畜等因今訪得虜中走

回人口并山西奏事人負說稱前項達賊不是也先  
部下人數係兀良哈達子。內後國須審的約有三千餘人一向在於  
櫃子山屯駐。四散出沒剽掠。因無官軍截殺。所以益  
肆猖獗。今照山西見有遊擊將軍石彪率領官軍三  
千五百員。名在於太原府。又調到延綏官軍四千員。  
名在於平陽府。操守偏頭關官軍三千員。名在於太  
原府。操守俱係久在邊方。慣戰人數。其山西都司所  
屬衛所及偏頭雁門二關并境外大同威遠渾源懷  
仁朔州等處。各有守備官軍。若不從長設法調度官



軍將前項遠賊。早爲截殺。即目山西太原府州縣人。民。已是被其虜掠。驚疑逃竄。數多。慮恐各賊。因來腹裏。搶劫得慣。孰知道途險易。遠近往來。得肆侵掠。非惟大同糧草。難以僭運接濟。抑恐中原人民。不得安生。合無各另請。勅王良羅通。石彪。同偏頭鴈門二關守備杜忠。翁信。都御史朱鑑。及大同總兵官郭登。都御史沈固。并鎮守大同西路右參將許貴。從長會議。量度前賊。實有若干的。於何處駐劄。或用官軍若干。合當分爲幾路。何者爲正兵出戰。何者爲奇兵掩。

襲何以分擾其前，何以邀截其後，何處係賊人出沒，要害去處，用兵若干，拒截何處，係賊營寨所在，用兵若干，圍圍逐一區畫，停當務在先勝後戰，就令石彪統領各項官軍，并各城民壯人等，或令羅通等隨後策應，翁信杜忠各出精兵夾擊，或許貴等量調士馬，按伏邀拒，務在同心協力，計出萬全，作急勦殺，以圖成功，不許自分彼此，互相推調，因而玩寇，重貽邊患，緣係會議調兵勦殺賊寇事理，具題得旨，會同各官計議，得大同宣府地方，自虜寇犯邊以來，官軍消

先處照兀良哈乃得一急備也先

耗數少。沿邊墩臺壕塹俱被賊坍塌。無人瞭望。致使  
出入自繇。縱橫剽掠。以致城門終日緊閉。不敢放出。  
樵采頭畜餓死。房屋拆盡。田禾不得收割。草束俱被  
焚燒。况今春農在邇。若不設法掃蕩賊寇。人心委的  
不安。合無請勅石亨楊洪各帶精銳馬步官軍四  
萬。負名內步軍三萬五千。馬軍五千。石亨自紫荊關  
往大同。楊洪自居庸關往宣府。沿途巡哨。就行提督  
守備官軍人等。堵塞關口。修理牆榨墩堡。及布列營  
陣。暗設隄備。賊若勢大來攻。以計破之。如賊勢小。以

兵勦之。逐賊遠去。依舊瞭守。遮護彼處軍餘人等耕種秋成。一體撥軍防守。戶部委官措備糧草。供給軍餉。候布置停當。事體寧帖。仍舊回京。其餘計議未盡事件。宜從各官臨時處置。務在區畫得宜。經久利便。上足以鞏固京師。下足以控制邊境。今將各官寫出邊境事宜。議擬開立前件開坐。兵題。

議處邊計疏

邊計

禮科抄出禮部尚書楊寧題。達賊犯邊。獨石龍門一帶。永寧懷來邊將。皆棄城不守。以致數十年之經營。

數十萬之蓄積。一切委諸草莽。罪不容誅。事往難論。比聞欲調官軍復守獨石龍門等處。斯固攸宜。臣切惟爲政當理內及外。守邊當自近及遠。京師者五方之本。永寧懷來宣府直抵大同。皆京師藩籬也。各處見在軍馬以之專守。尚慮未足爲固。而又分之以守。

獨石等處。則兵愈寡而勢愈弱。一旦邊報卒至。救援

大。縣以資力不足。欲并遠守。近易事。爲便。然當科

不及。切恐人心惶惶。事如前日。未可知也。獨石等處

理。資力不常。因而弃險。

一搖則永寧諸處人心必不自安。誠不可不慮。又况

足食而後足兵。今宣府大同皆告缺糧。以近邊猶爾。

又安能遠供餽也。今之計邊儲者，或曰軍運，或曰民運，或曰納粟冠帶，或曰開種鹽糧，或曰銀貨雜質，言者紛紛而皆不求其本。夫有播而後有穫，春耕而後秋歛，奈之何不務其本而惟末之圖？古人屯金城，屯渭濱，屯塞下，具有成法，實邊之道，無以逾此。往者不可諫，來者猶可追。中國之有夷狄，猶君子之有小人，來則禦之，去則備之，法之良也。不賞邊功，以沮外徼生事之人，意之善也。今之爲邊將者，士卒不恤，而一意希求陞賞，外侮不禦，而一槩妄報功次，有斬獲一

此從秦日功之弊

二首級。而報功至一二百人者。有止稱殺敗賊衆。斬  
獲首級。而全不聞數者。其爲欺妄。不言可知。此果何  
功於朝廷。何益於邊備。至如臨陣亡死者。此固皆  
可愍。然軍勝而歿。此勇進而至喪生。其忠可奇。軍敗  
而死。此退走而被追殺。正當論主將之罪。今一槩陞  
一級。是死者以退走爲功。而生者不以敗亡爲懼。又

舊法軍士損傷在背後者即死事不得優卹以其退走故也

非所以示勸懲也。臣愚以爲永寧懷來宣府直抵大  
同京師藩籬。當益兵積糧。選將固守。彼固則此自安。  
獨石龍門等處。姑候此有餘力。然後議及遺下糧米。

設法以近就近、搬運給軍、瓦刺新來和好、必不卽爲  
邊患。一帶田地、可以趁時設法屯種。令各該總兵叅  
將等官、親行勸課、如是田多軍少、先儘軍種、遺下餘  
田、聽令近邊官豪勢要一應人等、有力之家、儘力開  
耕無種子者、官爲借給、秋成抵斗還官、明行榜示、景  
泰二年子粒、并地畝稅糧、俱免徵納、所得花利、令自  
糶賣、仍行納粟冠帶、開中鹽糧銀貨糶買等法、人人  
見利而趨、則耕者不勸而勤、得穀必倍、可資邊儲、非  
直隸山東山西河南近邊去處、宜令各衛所府州縣



官專委一員提督。春農布種。仍與設法置買牛具種子。俱從巡按御史管屯僉事比較。其有用心勤得穀多者。指實具奏。量加褒賞。以勸其餘。則家給人足。可資供餽。沿邊守將。遇有聲息。且須預將在外人畜。收入城堡。嬰城固守。俟賊老氣惰。然後乘便擊之。如彼肆無忌憚。越關內侵。則內外合兵。令其腹背受敵。計無不克。有功官軍。陞賞以信。如有似前棄城不守。率眾在逃。無分貴賤。不限親疎。必殺不宥。然後人知勸懲。其有斬首少而報功多。及妄報殺敗賊眾。斬獲首

級希求陞賞者合無其功皆不必錄軍勝陣亡官軍  
與軍敗失陷者陞賞亦須量有節減庶得爵賞不濫  
奉 聖旨戶部兵部看計議來說除屯種等項戶部  
另行外查得先該本部照得獨石龍門長安嶺等處  
俱係萬全都司所屬緊關城池去年虜衆深入俱各  
捐棄失守茲當聲息稍寧可以措置雖經具奏令總  
兵等官朱謙等修設整理誠恐各官遷延有妨邊備  
已經節次議擬奏 准令都督僉事董斌提督前項  
官軍修理城池防護糧儲等項及昌平侯楊洪原留

在京開平龍門等衛官軍三千員名并其餘俱係口  
 外衛分在京報効等項官軍俱令都指揮楊能盡數  
 領回原衛所操守近該董斌題稱獨石馬營雲州鵬  
 鶚長安嶺等處城池委係外控虜境內庇宣府懷來  
 一帶○獨石○自○是○要○地○若獨石馬營等處城守嚴固則腹裏衛所自然  
 無虞本議將前項城池重復整飭修設屯營誠安邊  
 禦侮長策合設都指揮一員在彼分守地方并將萬  
 全都司推選有謀有勇之人分派獨石馬營李家莊  
 鵬鶚龍門等處專一守備操練聽伊調遣等因具題

抄出本部依擬奏 准通行去後今尚書楊寧奏要

將獨石龍門等處候有餘力然後議及一節臣等切

詳各處土地城池俱係 邊險不得輒弃部覆為長 祖宗經營創建其獨石龍

門一帶正係極臨虜境緊要去處外為邊境之藩籬

內為京師之屏蔽去年虜酋糾衆入寇守臣慮恐勢

孤援寡因而捐棄失守至今清議不容今也先等已

來請和邊報不甚緊急所宜與滯補敝修設故疆以

為久遠之計以圖復讐之舉况前項城堡已 命董

斌提督并原守各城軍馬俱已發回即目正在營置

之際彼處總兵鎮守等官並不曾奏難以修復緣繇豈可自餒自畫輕易擲棄且我退一尺則賊進一尺我失一寸則賊得一寸得失進退之機安危治亂所繫就使干戈擾攘之日尚當固守封疆况平居無事之時不空自感土地兼且守備各城自用原有兵馬而非那移他處官軍今以理勢論之必當修復整理合無通行請 勅宣府總兵參將鎮守參贊巡撫官真將獨石馬營赤城雲州李家庄鵬鶚龍門長安嶺等處一帶邊務查照本部節次議奏事理會同計議

區處斟酌人情之勞逸。相看地形之夷險。先其急而後其緩。舉其大而略其小。果係緊關去處。上緊修復。不係緊關去處。從緩整理。其奏有功官軍陞賞以信。如有似前棄城不守。率衆在逃。無分貴賤親疎。必殺不宥。其有斬首少而報功多。及妄報殺敗賊衆。斬獲首級。希求陞賞。其功皆不必錄。軍勝陣亡官軍。與軍敗失陷者。陞賞亦須節減一節。臣切惟兵之勝負。固係乎賞罰。而賞罰運用。必在乎嚴明。近年以來。因南北賊寇紛擾。所在用兵。撫捕其有功官軍。中間若有



不明者本部議擬行令重復體勘明白方纔定奪陞賞而總兵參佐等官若有失機誤事亦往往覆奏降黜如向者所陞德勝等門紫荆關及大同宣府等處官軍俱係殺敗賊衆保全城池有功人數該總兵等官造冊奏要陞賞節行駁勘明白若不照例陞用何以激勸人心其有退縮覆潰如陽和口及土木等處官軍雖已死於鋒鏑未嘗陞用一人况兵家之事以捷勝破敵為全功不以斬首多寡為勳績若止以斬首多寡定為陞賞崇卑則人皆傾懸首級未免為敵

○以深○動○之○元○符○得○之○其○要○之○社○少○之○所○練○之○兵○操○之○士○之○

此○為○破○敵○之○不○

所制、今稱有妄報殺敗賊衆、斬獲首級、希求陞賞、緣無指實、無憑查究、合無通行各處文武大臣、今後有功官軍、務要體勘明白、要見何人奮勇當先爲首、何人協力跟隨爲從、何人生擒賊徒、何人斬獲首級、從實開奏、以憑定奪、不許徇私泛濫、將無功之人一槩冒請陞授、及奏沿邊遇有聲息、預將人畜收入城堡固守、俟賊師老氣惰、然後擊之、如彼越關內侵、則內外合兵、令其腹背受敵等情、俱係用兵常法、亦係見行事理、別無定奪、緣節該奉 欽依、兵部看計議來



說事理具題

議處走回人口自請行邊疏

行邊

參照邪四女所說前項達賊往南行走去邊不遠雖

走回人口所管未必當是少保此疏或是別有對量非因此便請行邊也

未審是何部落及所說前言未委虛的緣本婦係在

滾水地方捨去先前也先入寇之時正從此處回還

本婦被擄在彼今又帶同前來則知前賊係也先部

落無疑若不早為區處嚴謹隄備即日雨水霑足青

草長茂誠恐各賊在於近邊去處駐劄牧放分遣虜

衆四散侵擾非惟邊人不得田作而日加疲敝抑且

道路梗澀不通，而難於饋運，則人心終日驚疑，邊備愈難措置。臣等會同總兵官石亨等議得：前賊雖侵犯之跡未著，而寇邊之意已萌，防微杜漸，不可不慮。除選差乖覺，夜不收星馳前去懷來宣府，令彼處鎮守總兵等官一體差遣，夜不收同去，獨石馬營等處密切哨探，是否帶有家小人衆，卽今見在何處屯駐，其人馬號色，是何種類，有無南牧犯邊之意，作急從實回報。如果事情緊急，臣謙先行親詣懷來宣府等處計議相度賊勢衆寡，事情緩急，仍令石彪雷通帶

因係平... 故... 有... 卽可出... 至

領原議奏官軍六千負名，每人關與銀一兩，布二疋。炒二升，隨卽啓行前去懷來屯駐，相機行事。務在奮勇設謀以濟邊務。既不許擁兵自衛，坐蠹糧儲，亦不許率易輕出，致墮賊計。及行總督軍務尚書石璞等將石璞原先議奏挑選宣府龍門懷來萬全官軍一萬餘負名，兼同石彪等帶去官軍相看賊人衆寡，事勢緩急。若是賊人四散出沒，可以乘虛掩襲，就便調遣官軍。或乘夜撲捕，或按伏邀截，務要成功，以挫其鋒，以遏其進。以壯軍士之氣，以安邊人之心。設若賊

勢浩大難於爭鋒務要堅壁清野持重自守差人馳  
奏京師調遣大軍總兵等官統領前去臣謙就便督  
同隨窩設法分投應援庶幾有備無虞邊事不失仍  
令戶部設法措備糧草本部通行大同遼東陝西延  
綏甘肅寧夏永平山海密雲古北口居庸紫荆倒馬  
白羊偏頭雁門廣昌等處關口總兵鎮守官負各要  
整擻人馬用心隄備遇警相機行事不許因循怠忽  
致有疎虞

朶顏三衛入貢疏 三衛入貢

照得近該瓦剌也先續差使臣察赤輕等二十七名  
來京進貢該宣府總兵官紀廣等問討鐵牌看驗說  
無止有番書一紙差伊帶領朶顏三衛達子來因爲  
阿魯台和寧王的跟脚在三衛來取不與著軍馬來  
收三衛如今放回怕邊上人驚差我領他每來朝  
見今三衛老小車輛盡在小黃河牛頭山一帶住劄  
打圍等因本部已經覆奏通行隄備去後今照朶顏  
三衛達子素號驍悍叛服不常不耻敗亡敢爲剽掠  
觀勢強弱以爲從違先因也先犯邊各種部落多有

結連往往在於近邊去處潛藏出沒剽掠人畜其爲  
邊患不可勝言既被也先收捕今又放令回還名爲  
在邊住種其實奸詐難測安知不爲也先腹心而爲  
我邊患害况小黃河牛頭山一帶正係虜寇出入要  
途不可不備今既察赤輕帶領來朝若使待之如常  
置之不問非惟不足以發其奸抑且不足以弭其患  
合無令通事都督僉事昌英等將察赤輕帶來朶顏  
三衛使臣嚴加曉諭備述先前擾邊之罪朝廷恩  
同天地因其臣順來朝一切不問爾等當感恩思報

以置三衛當在寬嚴之間只得如此

毋蹈前非仍請 勅令其賁回曉諭朶顏三衛頭目  
人等爾等蒙國恩開設衛分享有官爵務要敬順  
天道尊事朝廷。鈐束部落以爲我藩籬若有外寇侵  
擾必須奮勇勦殺如有貳心必不容貸如此庶使恩  
威得以並行。夷虜知所感懼。

請旨自將復仇疏

自將討虜

近該各邊送到走回人口屢報虜酋脫脫不花與也  
先讐殺而大同等處亦報烟火聲息臣等切惟也先  
違背 天道辜負國恩一旦無故生釁侵擾邊境荼

毒生靈雖悔過據誠遣使入貢而罪大惡極終不可容臣謙備負總督臣亨切在總兵日夜競惕思所以

報朝廷之恩思所以雪前日之耻今犬羊自相吞

噬是天授以復讐之機而不可失也且虜寇驚散擾

振の武の是の也

如の回の能の破の敗の而擾

亂必來窺伺我邊今春東作之時未免有妨耕種若

非振以兵威令其遠遁則邊方屯田之事恐未能成

臣等再三計議欲各統在京馬軍五千臣謙往宣府

臣亨往大同其餘將佐於范廣楊俊孫鏜過與張義

雷通石彪郭英劉深崔福劉鑑等內定奪前去蓋京





師非無軍馬。若帶去太多，恐費邊儲。且兵貴乎精，不○訓○練○有○方○故○爾

貴乎多故也。臣等到邊遇警，則所在各城軍馬悉聽

臣等調度。如賊勢大，必用添軍勦殺。另行奏請定奪。

如蒙 允，臣等所請，就將三營團操軍馬內挑選停

時皇承泰三年正月

當整理部伍，收拾軍裝什物等件。至二月中旬以後

一月中具疏故欲于二月出師則知虜之入犯不論

天氣漸和，啓發前去。兵部仍先行各邊各關整搦軍

十四時明矣

馬，以為聲援預備策應。其餘軍前合用事件，臨期具

奏。臣等素乏謀勇之材，又無勲閭之望，叨受恩寵，任

寄兵戎，苟於此時而不奮忠義之氣，竭涓埃之報，則

是負天地生成之恩。其於天下後世之清議。亦有所不容者。臣等昧死具題。

勦賊納順疏

勦賊納順

安插夷種正是不易

看照野人女直各種夷虜之人。俱附近遼東地方。近來相率投降者多。朝廷推曠蕩之。恩宥其反側

之罪。許以改過自新。授以官職。加以賞勞。而遼東總兵等官。逞逞定議。就於遼東自在州。并東寧等處城堡。安插者。動以千數。此等之人。狼子野心。不可測度。卽今彼處犯邊賊寇。未必不係野人女直。并兀良哈

三衛殘寇誠恐此等安插男婦因見犯邊賊寇得志  
我軍失利遂起奸謀透漏消息結連內應其貽後患  
決非細故矧近日遼東安插遠人糾合謀反出城潛  
從賊寇者動以百十計此其明驗不可不防合無行  
令寇深公同宋文毅曹義等通行計議區畫將已安  
插夷人若何設法關防撫恤鈐束以銷意外之虞以  
爲經久之便此○爲○什○防○備○之○空既不許視爲汎常全不介意亦不許彭  
露形跡致生激變及今後來降者合無起送赴京處  
置或量與官賞今回原處住種何者爲空或別有長

策可以安內攘外，防息弭妖，令寇深等明白具繇，星馳回奏，不許因循遲延，及勘議不當，因而處置乖方，重爲邊患，仍令該府通行永平山海宣府總兵等官，將前項賊情，用心隄備，遇警相機行事，緣奉 欽依，兵部知道，事理具題。

### 建置五團營疏

建置團營

忠肅公却出勞用京營軍其詳盡在此疏中

議得國之所恃者兵，兵之所賴者將，將得其人，則兵無不精，兵無不精，則國威自振，而虜寇之患自平矣。臣等俱以庸劣，叨膺重寄，馭兵乖方，旣歷 聖慮，今

議得各營見操官軍已選十萬分作五營團操以備  
 出戰每二萬人為一營每隊五十名一人管隊每二  
 隊又立領隊官一員每千人把總官一員每三五千  
 人又立把總都指揮官一員其管隊把總大小總兵  
 官員各量其才器高下謀勇如何而選用之使之互  
 相統屬兵將相識如遇下教場操練之時臣等出其  
 不意量調一隊或三隊五隊點閱但喚把總管隊官  
 姓名各官自行管領本隊軍士前來內喚出軍士一  
 二人或三五人令管隊把總官識認是何姓名衛所

團營之法不但汰老弱揀精壯妙在于能分也分

之各隊使兵將相習則無缺伍之弊無頂肩之弊

妙處在此

却將軍人懸帶牌面上原開姓名衛所年貌查覈若  
有不同就將管隊等官量情責罰仍比較弓箭牌刀

長鎗等項武藝精熟者量為獎勸生疎者一體懲治

○北○分○立○

使管軍者知軍士之強弱為兵者知將領之號令體

統相繼彼此相識不致臨期錯亂難于調遣大意前

項團操十萬合則為一營分則為五營萬一賊寇侵

營伍既分遣調更不揀

犯賊多則各營俱動或少或分調一二營或調一萬

配則他日對敵一人即平日操練之人利害在已

或三五千隨機應敵其平日選定大小該管頭目已

安得復容虛肩手

定則交戰之時多用則多調少用則少調止調該管

頭目則士卒自隨，平日相處既久，同輩之人，易以相

機管事之人，易以使令。如手足之捍頭目，子弟之衛

父兄，比之向日混同操練，不辨強弱，不知號令，將各

以虛文塞責，不實為他時失用地矣。

營之人，逐漸轉合者，不同庶幾可以成功取勝。又賊

之所恃者，弓馬衝突而已。賊知我火器一發之後，未

免再裝遲慢，以此我軍放罷火器，就便馳突前來。今

若與之對敵，我軍列陣，外用鹿角遮護，持滿以待。賊

若來緊，堅陣不動，先以弓弩對敵。神銃未發，先以火

藥爆竹詐之，賊必謂我火藥已盡，不復畏避，馳馬來

攻則我軍火銃火之飛鎗火箭弓矢齊發。若賊勢不動。又以大將軍擊之。待賊勢動。分調精銳馬軍用長鎗大刀勁弓射砍。步軍用團牌腰刀一齊衝入賊陣。或刺射人馬。或砍其馬足。臣等以身率先。衝冒矢石。獎勵士卒。俾無退縮。如有退縮者。即以軍法治之。此則臣等愚見。操軍出戰分合之勢如此。仰惟 皇上德威遠布。賊必不敢侵犯京師。臣等謹當用心設法。將各營已選團操。并其餘軍馬。一體操習。整飭隊伍。申嚴號令。務使人馬強勝。武藝精熟。除團營之外。另



選次第精壯。以備緩急調用。以助團營軍威。每日除  
演習弓馬武藝之外。仍令馬步官軍兼習陣法。及交  
鋒衝突安營走陣。以爲戰鬪之勢。使之耳目慣熟。步  
驟輕捷。能知進退坐作之法。免致臨敵畏怯失錯。至  
于固守之法。則今日士卒頗多。京師城垣堅固。又有  
戰車鹿角器具。賊縱勢衆。可以固守無虞。雖臣等愚  
見如此。但用兵之法。不測如陰陽。難知如鬼神。貴在  
臨期應變。難以一定而求。况醜虜狡捷。去來之間。如  
飄風驟雨。應敵之餘。非勇無以挫其鋒。非智無以破

其詐必謀勇兼濟而後可以成其功。岳飛有言。陣而後戰。兵家之常。運用之妙。存乎一心。又曰。文官不受錢。武官不惜死。天下太平矣。臣等既蒙

恩。鎮大、臣亦須以潔已為自立之本。

朝廷大恩。

授以重任。敢不潔已愛軍。以振士氣。捐軀效死。以報國恩。緣係會議戰守事理具題奉 旨。兵貴乎精。將

在謀勇。卿等務要同心協力。操習軍馬。有事運謀。或戰或守。若無事。則撫恤士卒。養其銳氣。遇警易為調用。欽此。總督軍務兵部尚書于謙等為軍務事。會議得賊首也。先悖逆天道。屯聚虜眾。近我邊疆。若不預

爲設法選練。設使遣將調兵。軍不識將。將不識軍。情不能爲用。今五軍三千神機等營。各有總兵掌管。規矩不同。倘遇調遣。轉撥前去。非惟軍將俱不相識。抑恐號令不一。誤事不小。合無於五軍三千神機等營。選揀精銳馬步官軍一十五萬內。五軍營八萬。神機營五萬。三千營二萬。分爲十營。一營一萬五千。用坐營都督一員。五千用都指揮一員。共用三員。一千名用都指揮一員。或指揮一員。把總共用一十五員。五百名又用指揮一員。把總共用三十員。每隊用管

隊官二員、前項坐營把總等官、各於營內選揀廉能  
驍勇之人、管領操練、俱聽臣等往來提督、管操太監  
劉永成、原管神機營、阮讓、原管三千營、取自 上裁  
令其提督操練、監鎗內臣隨同前去、各營監鎗、如有  
聲息、各調官軍若干、或用一營二營三營、就着某總  
兵官、及坐營都督統領前去、互相策應、征勦其餘官  
軍、令的當頭目管領、各於本營操練、如此庶得號令  
歸一、人易遵守、內外兩得其濟、臨敵必能成功、緣係  
會議軍務、守禦京師事理、具題奉 旨、今照總兵官

石亨見今挑選到五軍三千神機營頭撥精銳官軍  
 六萬負名分作三營團操內神機營精銳官軍二萬  
 員名均派三營照舊操練外臣等原先議奏方畧內  
 要領大將軍砲十六箇并量領火砲飛鎗手把銃以  
 備衝敵之用俱未曾開領今照火砲之具實乃軍威  
 亦賊人平晉所畏必須平居之時領出聽總兵等官  
火器雖為利用但演放不熟終不得其利  
 設法令軍士演放操習慣熟量其高低遠近緩急疾  
 徐一旦臨敵方能不亂而有成功又况今日夜不收  
 往獨石等處哨探回還說稱哨馬營一帶俱有達賊

駐劄其勢浩大竊料此賊候秋高馬肥氣候漸涼不無有侵犯邊方深入爲寇之意兵家之事以先戒爲寶防患之策以預備爲要况神機營撥到官軍數多砲少周匝擺列不敷切恐臨期難以禦敵乞勅工部合無將後項開列銃砲火器等件照數作急于內府關出交與總兵等官石亨等如法收貯隨空操演并大將軍砲十六箇斤重數多人力不能背負合用馳載車輛亦乞行移工部成造具題

急處糧運以實重邊以保盛業疏

運糧實邊

臣等看議得彊兵以足食爲本。攘外以安內爲先。陝西一省之民。供四鎮之軍。賦繁役重。食少人多。故每歲有收。用猶不足。不免於內帑取給也。况前此連歲遭凶。今歷時不雨。夏麥失望。秋糧未期。軍民皇皇。如在湯火。彊者肆劫奪。壯者流它鄉。老弱者甘心死亡。變在不測。此可憂者一也。使各邊告靖。猶可多方內救也。今榆林之兵旅方殷。甘寧之聲息且至。秋高大舉。將何以支。此可憂者二也。使地方稍有蓄積。猶可高價召致也。今附邊旣搜括殆盡。腹裏又侵削無遺。

一旦有事。束手無措。此可憂者三也。使鄰境有收。猶可糴買就食也。今河南湖廣赤地千里。麥禾一空。雖有高價。無處告糴。此可憂者四也。國家於歲用。不積銀不積米。緩急無可賴。蓄米糧。及遇不特告給。俱是發銀。徒以輕費便事也。然亦不過買米而已。至于各邊糧草缺乏。召商報納。徒以目前易辦也。然商人所買。未嘗他有以益之也。亦不過買之附邊而已。一方所產。止有此數。買用既多。則米價不得不貴矣。附邊既盡。則腹裏不得不擾矣。財費於內帑。利歸于商人。害及于百姓。未有能濟



者也。然則如之何。亦在修腹裏糧運而已矣。臣等惟

自古帝王都於關中。百官六軍之俸。其勢必取之外

郡。故傳稱蕭何運餉不絕。糧給乞嚴限各該撫按官

此是大經濟

急將河南運道。照舊修復。查照先年例。將附近河南

湖廣原派臨德二倉京運糧米。扣該數十萬石。各運

至陝州金州等處。接濟應用。此一時之權也。若其永

久之利。乞將附近河南一府陝州等處。每歲夏秋折

色京邊糧米內。扣二十八萬石。改納本色。坐派陝西。

將戶部原補陝西歲用不足糧銀抵補前項河南折

色之數以後再不解銀著爲定例聽從水陸之便運至陝西渭南草店子等處立倉收貯照數放支臣等又查得河南陝州地方年豐每米一石不下四五錢年歉不過七八錢况河南布政司坐派前項折色每石亦在八九錢之數改爲本色民亦樂輸再將弘農潼關等衛班軍改爲運軍其運糧船隻亦聽該部從長計處其河南西安府一帶遍運所仍議添設牛夫車輛脚費以免重累俱各差部運仍於陝州建立戶部分司查得臨德小灘各倉事例歲差主事一員監

收其餘地方、俱聽撫按官行分守官督理、預使糧道  
疏通軍儲充實、或賣價以助邊、或抵斗以借民、或它  
運以給軍、或移口以就食、或作賑濟、或准俸糧、隨其  
所施、無不如意、內實而外自充、本固而末自定、雖有  
水旱蟲蠧之災、夷狄盜賊之禍、不至如今日之岌岌  
矣、伏惟 聖明留意、宗社幸甚、

正朔經世文編卷之終